



**CLÁR TACAÍOCHTA DON OIDEACHAS POBAIL
TREOIRLÍNTE LE HAGHAIDH SCÉIM DEONTAS DON OIDEACHAS POBAIL**

(Léigh na treoirlínte go cúramach, le do thoil, sula líonfaidh tú an fhoirm iarratais seo)

SAINMHINIÚ AR OIDEACHAS POBAIL:

Oideachas agus foghlaim atá fréamhaithe i bpróiseas a ghabhann le cumasú, ceartas sóisialta, athrú, dúshlán, meas agus comhfhiosacht chomhchoiteann atá i gceist le hOideachas Pobail. Is leis an bpobal é agus baineann sé leis an bpobal, agus léiríonn sé na riachtanais a bhíonn ag teacht chun cinn agus a bhaineann le daoine agus lena n-áiteanna. Cuireann sé le cumas na bpobal áitiúil dul i mbun oibre chun freagraí a fháil ar an mhíbhuntáiste oideachais agus bonneagair agus páirt a ghlacadh i gcinnteoireacht agus i mbeartais a leagan amach sa phobal. Ní ionann é agus an gnáthoideachas a sholáthraítear d'aoisigh de thairbhe an éitis atá leis agus na modheolaíochtaí a úsáidtear.*

(*leagan Gaeilge den sliocht as Ich 18 Community Education 2004, Aontas, 2004)

CLÁR TACAÍOCHTA BORD OIDEACHAIS AGUS OILIÚNA DHÚN NA NGALL DON OIDEACHAS POBAIL

Is iad aidhmeanna an chláir:

- Tacú le soláthraithe oideachas pobail deiseanna oideachais a eagrú agus a chur ar fáil, ar chostas íseal agus go háitiúil, do ghrúpaí daoine nach gnách leo deiseanna den chineál sin a thapú
- Forbairt grúpaí oideachas pobail agus gníomhaíochtaí nua i nDún na nGall a chur chun cinn agus tacú leo
- Tacú le hearnáil an oideachais phobail trí dheiseanna oiliúna agus comhroinnt faisnéise a chur ar fáil
- Sonraí cáilíochtúla agus cainníochtúla ar ghníomhaíocht oideachas pobail i nDún na nGall a bhailiú

AN CUSPÓIR ATÁ LEIS AN SCÉIM DEONTAS DON OIDEACHAS POBAIL:

Tionscnaimh oideachas pobail a chur chun cinn agus tacú leo go háitiúil i measc na bpobal an cuspóir atá leis an Scéim Deontas don Oideachas Pobail. Tá sé d'aidhm aici deiseanna a chruthú do dhaoine le go n-aithneodh siad a riachtanais foghlama agus go ndéanfaid siad an fhoghlaim ina bpobail féin agus go gcoinneodh siad orthu leis an bhfoghlaim.

AIDHM:

Aosaigh ar bheagán cáilíochtaí / gan cháilíochtaí a spreagadh le bheith rannpháirteach i ngníomhaíochtaí oideachais, le go mbeadh níos mó muiníne acu mar dhaoine aonair agus le cuidiú le forbairt an phobail sin acu.

Spríocghrúpaí:

Grúpaí ban agus grúpaí fear bunaithe sa phobal	Grúpaí ealaíona pobail
Lucht Siúil	Daoine breacaosta
Daoine faoi mhíchumas	Grúpaí aontuismitheoirí
Grúpaí mionlach eitneach	Grúpaí daoine leispiacha, homaighnéasacha, déghnéasacha agus trasinscneacha



Bord Oideachais agus Oilúna Dhún na nGall Clár Oideachas Pobail

MAOINIÚ:

- Féadfaidh grúpaí pobail atá níos mó (.i. grúpaí a bhfuil sé ar intinn acu líon áirithe cúrsaí a chur ar fáil) iarratas a dhéanamh ar mhaoiniú tacaíochta faoi dhó sa bhliain. Féadfaidh grúpaí eile iarratas a dhéanamh de réir mar a bheidh sin riachtanach.
- Ní ghlacfar le foirmeacha iarratais nach mbeidh líonta go hiomlán.
- D'fhéadfaí maoiniú a chur ar fáil do shraith ranganna, ceardlann agus araile
- Tabhair faoi deara le do thoil nach gnách le maoiniú tacaíochta ach cuid den chostas iomlán a bhaineann leis an ghníomhaíocht a chlúdach, .i., beifear ag súil le ranníocaíocht i leith chostas an chúrsa ó na rannpháirtithe
- Má éiríonn leis an iarratas ar mhaoiniú scaoilfear 75% den leithdháileadh iomlán amach chuig an ghrúpa. Scaoilfear leis an 25% deiridh nuair a gheofar na cáipéisí go léir a d'iarr Bord Oideachais agus Oilúna Chontae Dhún na nGall sa chéad litir uathí faoi fhaomhadh a bheith faighte don mhaoiniú. Is gnách gur **taifead tinrimh** agus **bileog achóimre ar an chúrsa iomlán– Tag A9** agus í sínithe, a bhíonn i gceist leo.
- Má theipeann orthu an rialachán seo a chomhlíonadh taobh istigh de thrí mhí beidh de thoradh air sin go bhforghéillfidh an grúpa an íocaíocht deiridh de 25% den deontas agus go mbeadh bac ar an ngrúpa deontas i gcabhair a fháil amach anseo.

NITHE A B'FHÉADFADH GO MBEIFÍ I DTEIDEAL MAOINIÚ A FHÁIL INA LEITH:

- ✓ Táillí teagascóra (mar riail ghinearálta, is cóir 75% ar a laghad den deontas leithdháilte a chaitheamh ar tháillí teagascóra. Ní cóir go mbeadh an t-uasmhéid a bheadh á éileamh as an deontas ar uaireanta teagaisc níos mó ná an ráta reatha teagaisc atá ag an Bord Oideachais agus Oilúna)
- ✓ Ábhair a bheadh riachtanach do rang nó do ghníomhaíocht áirithe
- ✓ Ranníocaíocht i leith costais riaracháin (i gcás nach bhfuil costais riaracháin á n-íoc cheana féin)
- ✓ Cíos ar an ionad
- ✓ Poiblíocht
- ✓ Obair réamhfhobartha / obair chumasaithe le grúpaí
- ✓ Costas tae/caife, sólaistí

NÍL MAOINIÚ AR FÁIL I GCOMHAIR NA NITHE SEO A LEANAS:

- Clubanna /Grúpaí Óige
- Clubanna Spóirt
- Sócmhainní Ionad Pobail nó ábhair mar ríomhairí, cócaireáin, táblaí, nó nithe eile
- Turais Lae
- Lóin/Dinnéir
- Maoiniú an athair do ghrúpaí i leith na ngníomhaíochtaí céanna; ní mór do ghrúpaí den sórt bealaí le dul chun cinn a dhéanamh a aithint do rannpháirtithe agus daoine eile a spreagadh le leas a bhaint as na deiseanna atá ar fáil cheana sa phobal



Bord Oideachais agus Oilúna Dhún na nGall Clár Oideachas Pobail

- Ní ghlactar le maoiniú a chur ar fáil do dhaoine aonair ionas go rachaidís i mbun oiliúna ar son grúpa (.i. más é an teagascóir atá á mholadh don chúrsa an duine céanna atá ag déanamh an iarratais)
- Íocaíocht do dhaoine aonair sa ghrúpa a thógfaidh orthu féin cúrsaí oiliúna a dhéanamh ar mhaithe leo féin

POINTÍ EILE LE TABHAIRT FAOI DEARA:

- Ní dea-chleachtas é na teagascóirí atá á moladh a bheith ina mbaill de choiste an ghrúpa a bheadh ag déanamh iarratais
- Nuair a bheidh iarratais a tháinig ó ghrúpaí bunaithe á meas, tabharfar tosaíocht dóibh siúd a bhfuil a n-aidhmeanna ag teacht leis an aidhm atá ag an scéim deontas don oideachas pobail, agus a thaispeánann nuálaíocht sa rogha de chúrsaí a bheidh acu agus a mheallfaidh foghlaimoirí nua.
- Forchoimeádann Bord Oideachais agus Oilúna Chontae Dhún na nGall an ceart chuige féin bundoiciméadú tacaíochta maidir leis an ioncam agus leis an gcaiteachas a bhaineann leis an gcúrsa a iarraidh, mar shampla, sonraisc, admhálacha
- Admhóidh an grúpa go poiblí i ngach ábhar bolscaireachta agus fógraíochta an tacaíochta a fuair siad faoi Chlár Tacaíochta Bord Oideachais agus Oilúna Chontae Dhún na nGall don Oideachas Pobail.
- *Ní mór do gach grúpa a fuair maoiniú páirt a ghlacadh i bpróiseas measúnaithe. Cuirfear mionsonraí an mheasúnaithe ar fáil do na grúpaí a n-éireoidh leo maoiniú a fháil faoin scéim seo.*

RÁITEAS MAIDIR LE CÁIN

Níl ghlacann Bord Oideachais agus Oilúna Chontae Dhún na nGall aon fhreagracht maidir le cúrsaí cánach comhlachtaí deonacha a fhaigheann deontas i gcabhair. Tá freagracht ar chuile eagraíocht as a gcúrsaí cánach féin

Is féidir eolas a fháil ach teagmháil a dhéanamh leis an oifig cánach áitiúil.

Is í seo an uimhir theileafóin atá ag an oifig cánach i Réigiún Dhún na nGall:

074/91 69400, Fo-líne 69514

Uaireanta oscailte **Luan-Aoine 9.15r.n. – 5.30i.n.**

ÁRACHAS

Is féidir le grúpaí a chláraíonn le Rannóg Pobail agus Fiontar Chomhairle Co. Dhún na nGall clúdach árachais iomaíoch a fháil i gcomhair a gcuid gníomhaíochtaí. Má tá a thuilleadh eolais de dhíth téigh i dteagmháil le do thoil le Bríd Neely, Rannóg Pobail & Fiontar, Oifigí Chomhairle Contae Dhún na nGall, Leifear **074 91 72531**

MINIÚ AR NA CEISTEANNA ATÁ AR AN FHOIRM IARRATAIS:

1. **Ainm an ghrúpa pobail:** Ainm an ghrúpa atá ag déanamh an iarratais.
2. **Ainm an Teagmhálaí:** Ainm an duine is mó a bhfuil cur amach aige/aici ar an iarratas, más gá teagmháil a dhéanamh leis/léi.



Bord Oideachais agus Oilúna Dhún na nGall Clár Oideachas Pobail

3. **Seoladh:** Tabhair an seoladh ag a ndéanfar teagmháil leis an ghrúpa
4. **Uimh. Theileafóin:** Tabhair uimhir theileafóin an teagmhálaí le do thoil
5. **Uimh. Fón Póca:** Tabhair uimhir theileafón póca an teagmhálaí má tá a leithéid ar fáil
6. **Ríomhphost:** Tabhair seoladh ríomhphoist an teagmhálaí le do thoil
7. **Dáta tosaithe an chúrsa:** Luaigh dáta tosaithe an chúrsa/na gcúrsaí atá beartaithe
8. **Uimhir Cánach:** Féach ar an nóta ar leathanach 3 le do thoil
9. **Na hAidhmeanna agus na Cuspóirí atá ag do Ghrúpa:** Breac síos go soiléir anseo na haidhmeanna agus na cuspóirí atá ag do ghrúpa pobail féin
10. **Sonraí an Tionscadail atá beartaithe:** (10a) Tabhair mionsonraí an chúrsa lena n-áirítear an teideal agus na hábhair (10.b) An t-achar a mhairfidh an cúrsa
11. **Cén dóigh ar aithin tú an gá a bhí leis an chúrsa seo?** Cad é mar atá a fhios agat gurb é seo an cúrsa atá do ghrúpa ag iarraidh a dhéanamh? Cruinniú grúpa, ceistneoir, comhairliúchán pobail, cinneadh coiste agus araile.....
12. **Torthaí/tairbhí a mbeadh an pobal ag dréim leo as an tionscadal/as an chúrsa:** Cad atá tú ag dúil leis a bheidh bainte amach/athraithe/feabhsaithe sa phobal faoin am a bheidh an tionscadal seo críochnaithe? Cad iad na tairbhí a bheidh le fáil ag do phobal as an chúrsa seo a chríochnú
13. **Ainm an Teagascóra:** Líon isteach an t-ainm má tá sin ar eolas agat nuair atá tú ag déanamh an iarratais; ní gá go mbeadh teagascóir aimsithe ag an phointe seo.
14. **Teastas a bhronnfar:** Tabhair ainm an fhorais cháiliúcháin agus an leibhéal
15. **An líon daoine a mheastar a ndéanfar freastal orthu?** Freagair an cheist seo chomh cruinn agus is féidir leat. Tá sé tábhachtach cuntas a choinneáil ar an líon daoine a fhreastalaíonn ar na cúrsaí a bheidh agaibh.
16. **Miondealú ar Chostas an Tionscadail:** Taispeáin sa mhír seo na costais go léir do gach aon cheann de na cúrsaí/gníomhaíochtaí, sonraigh na costais i gcatagóirí difriúla sna téarmaí seo a leanas – Costas an Teagascóra, Cíos ar an Ionad, sólaistí agus ábhair. (* **€41.13 agus ÁSPC san áireamh an ráta atá ag Bord Oideachais agus Oilúna Chontae Dhún na nGall do theagascóir rang oíche i láthair na h-uaire**)
17. **Iomlán an Chostais Mheasta:** Suimigh na costais go léir atá thuas
18. **An méid ioncaim ó fhoinsí eile i leith chostas an tionscadail:** Breac síos airgead ar bith eile a fuair do ghrúpa don tionscadal áirithe seo, i dtéarmaí deontas eile nó táillí iontrála nó sintiúis ó bhaill.
19. **Ranníocaíocht na rannpháirtithe;** Cá mhéad a íocfaidh gach scoláire i leith an chúrsa
20. **Suim an deontais atá á lorg ó Chlár Bord Oideachais agus Oilúna Chontae Dhún na nGall don Oideachas Pobail**
21. **Aistreoidh Bord Oideachais agus Oilúna Chontae Dhún na nGall an maoiniú isteach díreach i gcuntas bainc an tSoláthraí Oideachas Pobail.** Mura bhfuil cuntas bainc ag an ghrúpa cheana féin agus má tá sé de rún acu iarratas a dhéanamh ar mhaoiniú níos mó ná aon uair amháin, ba chóir dóibh socruithe a dhéanamh chun cuntas bainc a oscailt faoina n-ainm.

